

զձեռսն և զկաշիսն և զիւղսն ի դուրս հանեալ և զոսկերքն կտոր կտոր արարեալ, միայն ջիւքն և զլուխքն երևիւր, որպէս զգէշ անկեալ առաջի գազանաց սարսափելի տեսողաց: Եւ զի՛նչ ասացից ևս Մուլքի խաթունին որ յազգս իւր փոքր թագաւոր վերածայնէր, որ էանց բազում բանիւք, որ ԿՌ զուռուշի օրորոց արարեալ որդոյն՝ ոսկով եւ մարգարտով եւ ակամբ պատուականօք: Եւ այժմ՝ զի՛նչ եղև. այլք վայելեցին զայնչափ բարիսն, զի մեռաւ ինքն, այլ և փառքն և մեծութիւնն ընդ իւր, և այն՝ ոչ օրինաւոր մահուամբ, գտեալ ի փախստեայ տեղոջն, քանզի ծակէ ի ծակ մտեալ, խեղդեալ ձեռօք դահճին, խայտառակօրէն և անարգ մահուամբ ի ծառէն ի վայր կախեալ: Եւ որ սայլիւ մօտ ի թագաւորն երթայր պահապանօք և յաջմէ և յահեկէ ծառայք և աղախնայք, և ոչ ոք լինէր ի մեծամեծաց տառապելոց արանց կանայս որ խընդրելոյ բան արժանանային, այսօր լընթացս ասպաքիսին ի վերայ ծառին հային արժան և անարժան¹⁾, եկաւորք և անցաւորք, և բազմամբօխ հայհոյելով և թքելով առ յերես նորա: Եւ որ յաթոռս զեղեցկաչէն և վայելուչ հանգչելով հրամայէր և ծառայքն ընդգէմ կանգնեալ դողային, այսօր ի վերայ ձիոյն են բարձեալ որպէս զաղբ անպիտան և որպէս զգէշս տարան ի կախել: Եւ որ հանդերձն և զգետն էր ծիրանի թագաւորական և կամարակապ զօտիք ականակուռ և առաջի թագաւորին քայլէր երթևեկութեամբ և թագաւորն նորա Մօրաքոյր ձայնելով զնա պատուէր առաջի ամենայն մեծամեծացն, այսօր ի վերայ ծառին կախեալ բացազուլս և անարգ, և արկեալ են ի վերայ կտոր մի չըլի: Եւ յոր ժամու կանգնեալ լինէր և գայր ի թագաւորէն, ծառայքն վազվազելով դողային՝ թէ

1) անարժ.